

مجله دانش

سری ۱۳۳۰

والله يهدي من يشاء الى صراط مستقيم
دینی، علمی، ادبی، سیاسی هفته‌لق بمجوعه اسلامیة در
اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۳۴ - ۲۱۶ ۱۴ ذی القعدة ۱۳۳۰ پنجشنبه ۱۱ اشرین اول ۱۳۲۸ جلد ۲ - ۹

سرای بوسنده :

اسلام تشکیلات متحده سنک ناشرافکاری اولان غزته سی متفق بالقان دولتری علیه شدتلی بر مقاله نشر ایتشدر . بو غزته بالقانلرده خاصاتک باشلامنی بویوک بر مسرتله آلفیشلیور و تورکیاتک قومشورینه غلبه ایده جک قدر قوتلی اولدیغنی اثبات ایده جک زمانک چوقدن حول ایتش اولدیغنی وبالقان حکومترلینک بو حرنی ، مسلمانلرک ، اسلامیت علیه یکیدن اهل صلیب محارباتی آجه سی نظریله باقدقلرینی و بوتون اسلاملرک اسلامیتی مدافعه ایچون قیامه حاضر وآماده بولندقلرینی بیان ایلدور .

روسیاده :

بالقان محاربه سنک اعلاقی روسیا اسلاملری پیننده بیوک بر هیجانی موجب اولمشدر . بر چوق روسیا مکاتب عالییه سنده ا کمال تحصیل ایتکده اولان مسلمان طلبه لری کوکلی اوله رق دارالجهاده کلک ایچون حاضر لانیورلر . ایلک کوکلی اوله رق داخلی روسیا مسلمانلرندن دارالفنون طلبه لرندن عارف بک کریموف افندی شهر مزه واصل اولمشدر . بو حیتلی کنجک بیاناتنه نظراً کرک قفقاسیادن ، کرک داخلی روسیادن بر چوق کوکلیلر ده کله جکلردر .

مصرده :

مقام ضرورنده معارنده کوزل نه وار ؟ — بوسرنامه ایله یازدیغنی

مهم بر مقاله سنده « العلم » غزته سی اعلان حربی متعاقب یونانلیرک نه کی بر شوق و تهاولکه کوکلی یازدقلرینی واعانه حربیه اولقی اوزره پاره طویلا . دقلرینی مثال اولقی اوزره قید ایتدکن صکره ، « نه دن بزمصر لیر اعانه ده بولونیم ؟ » دیه مصر اسلاملرینک حسیات دینیه و حیتلرینی تحریک ایدیلور . دولتعلیه نك بدنا مصر لیرک ماوتنه احتیاجی اولدیغنی و شانی عثمانلی عساکرینک شیارقی بالقانلیرله حقلرینی و پردر مکده کافی کلدیکنی قید ایده رک ، بویله بر زمانده دولتعلیه مصر دن و بوتون اسلام قرداشلر مزدن معاونت مالیه انتظار ایتدیکنی بیان ایله : « ضرورت وار ایکن معاونت نه کوزلدر ! » دیه قارئلرینی بویله بر معاونت مؤثره یه تشویق ایدیلور . بویله بر معاونتک نه قدر سهل الاجرا اولدیغنی و عینی زمانده نه قدر بیوک نتیجه لر ویره بیله جکنی ده غزته قید ایتدکن کچمه یور . « العلم » جه هر بر مصرلی بشر غروش ویره جک اولورسه اک آزی مصرده ۱۰ میلیون اسلام وارکه بو یوزدن ۵۰۰،۰۰۰،۰۰۰ غروش طویلا نیله بیلیر . رفیقمر مقاله سنی صمیمی و حار دعوتلرله بیترور و دیورکه : بو محاربه عالم اسلامک و بلکه بوتون شرقک مقدراتنه مربوط اولدیغندن هر اسلام ، هر شرقی اوکا اشتراک ایتلیدر ، بر مصرلینک لزوم اشتراکنی اخطار ایتک ایسه زانددر .

ایرانلیر آره سنده :

(ترجان حقیقت) چهارشنبه کونی چقان نسخه سنده « دول معظمه دن برینک تشویقیله ایران دولت اسلامییه سی حکومت عثمانیه یه مشکلات چیقاراجقمش » مألنده نشر ایتش اولدیغنی بر خبر شهر مزده بولنان ایرانلیر میانده بیوک بر هیجانی موجب اولور ، هان سفارتخانه یه قوشه رق ، نشریات مذکور ه نك نه ککی بر اساسه مبتنی اولدیغنی پر تلاش تحقیق ایدرلر . سفارتخانه ده بویله شیخه امکان اولمادیغنی ، (ترجان حقیقت) ک خلاف حقیقت نشریاتده بولندینی تأمین و بوندن طولانی ده سفیر حضرتلرینک متأسف اولدیغنی مراجعت ایدنلره بیان ایدیلیر ، بونک اوزرینه ایرانلیر کچه لین (یکی غزته) ، (طنین) و (اقدام) اداره خانه لرینه کیده رک بویله بر حوادثک اصلی ، فصلی اولمادیغنی بیان ایتشلردر . ایرتسی کونی ده غزته لرله بونک بر سوء تفهمندن عبارت اولدیغنی بیان اولونمشدر .

§ آلدیغمر موثوق خبره کوره درسعادته بولنان ایران تجاری اعانه حربیه اوله رق آزالرنده پاره طویلامغه تثبیت ایتشلر ، ده ایلک کونلرده ۱۰۰ لیرا قدر بر مبلغ طویلا یه بیلمشلردر .

آرتق باشلامش اولدیغنی تبین ایدیلور . رسمی اوله رق عثمانلی آژانسی آتیده کی تلغرافی نشر ایدیلور : « صریح دارالحکومتده حرکات تعرضیه یه ابتدار ایدن اردومن بوکون اوکله وقتی طونجه نك شرقنده تصادف ایتدیکنی دشمنک قوای کلیه سنه تعرض ایتدی . حالا دوام ایدن شدتلی بر محاربه باشلادی . محاربه نك طرز جریانی اردوی هایونه موافقدر . »

عین زمانده خصوصی تلغرافلره نظراً : ماراش و جوارنده عساکر عثمانیه ایله بلغارلرک اوتوز بیک کشیکلک قوتی آره سنده طقوز ساعت دوام ایدن قانی بر محاربه ده دشمنک « والهلی مایقا = آمان اناجم » فریادیله مهم بر قسمی تلف اولیلور . قالا نلری فرار ایدیلور . تعقیب اولونه رق چرمین قره اغاجنده طویچی و پیاده لر مز طرفندن محو ایدیلور ، بر جوق اسیر آلتیلور . قرق کلیسا استقامتنده کی فرقه مزده مالفوجدن دشمن اراضیسی بش ساعت تجاوز ایدیلور ، ادرنه یی محاصره مقصدیله دشمن طرفندن کتیریلن درت محاصره ویدی سریع آتشلی طویلری اغتنام ایدیلور ، بر بیکباشی ایله بر چوق ده نفرات اسیر آلیور . . . جسر مصطفی پاشایه مجاور قاضی کوننده ده غایت شدتلی بر صورتده دوام ایدن مصادمه نتیجه سنده بلغار عساکری نصفنه قریب ضایعات ویره رک منزه ما رجعت ایدیلور ، بو محاربه ده ده دشمندن طوب وخیلی مهمات اغتنام اولیلور . . طونجه نهرینک جهت غریبه سنده خاصکوی و کرچی قریه لری جوارنده بلغارسواریندن بر بلوک کاملاً محو ایدیلور . . وایصال موقعنده وقوعبولان مصادمه ده ده بلغارلردن ایکی مترالیوز اغتنام ایدیلور . صربستان ، قره طاغ ، یونانستان حدودلرنده ده مهم مظفریتلر توالی ایدیلور .

حربک جهت عسکریه سی بویله هیجانی دقیقه لر کچیردیکنی بر زمانده شتون سیاسییه ده مراق انکیزدر . انکله ترده دن باشقه دول معظمه دن هیچ بریسی اصولدن اولان بیطرفلغنی رسماً هنوز اعلان ایتدیلر . عجبا نه اوله جق ، دیه ملاحظه لر ، مطالعه لر یورودیلور . دول معظمه بیطرفلقلرینی اعلان ایچون ، یکدیگرینه قارشى مشکوک بر طور طاقینان روسیه و آوستریایی بکل یورلر مش ، اولورده غالباً سربستی حرکتلرینی محافظه ایتک اوزره بیطرفلک اعلاننده بک ده قطعی برقرار ویره میورلر .

عالم اسلامده تظاهرات**بره توریه ده :**

بره توریا جماعت اسلامییه سی طرفندن هلال احمر جمعیتنه تلغرافله و ملی بانقه معرفتیه بش یوز الی انکلیز لیرالق برقطعه حواله نامه کشیده ایدلش و اسلامک غالبیتی عنایت صمدانییه دن نیاز واسترحام اولونمشدر .

آمریقاده :

آمریقاده بولنان بر چوق آرن اوودلر بر اجتماع عقد ایده رک ذات حضرت پادشاهییه عرض صداقت و وطنداشلیینه توصیه اتحادی حاوی بعض مقررات اتخاذ ایده رک بولنری بر تلغرافله و اشینغتون سفیرینه تبلیغ ایتشلردر . سفیر مقررات واقعه دن طولانی کنیدیلرینه تشکر ایتدکن صکره مذکور تلغرافنامه صورتی خارجیه نظارتنه کوندرمشدر .

انگلتره ده :

لوندره جماعت اسلامییه سی طرفندن بالقان حکومترلینک حکومت عثمانیه یه قارشى اخذ ایتش اولدقلری وضعیت حقنده پروتستوده بولونمق اوزره بعض مقررات اتخاذ ایدیلمشدر .

قاب تاوره ده :

مقام صدارته ۱۱ تشرین اول ۳۲۸ تاریخله قاب تاوندن عبدالحجید خان سیرغیرو امضاسیله آتیده کی تلغرافنامه کشیده ایدیلمشدر :

« قاب تاون » مسلمانلری حکومت عثمانیه یه قارشى اولان احساسات صمیمه خیر خواهانه لرینی تأکیداً عرض و اظهار ایدرلر و دولت علیه نك احراز غالبیت ایله شان و شرف اسلامی محافظه ایتسنی تمنی ایلرلر ، فرمان .